



Broj: 03-08-A.B.R.-25186-OPP/16

Datum: 26.10.2016. godine

Na osnovu člana 22. Statuta Zavoda zdravstvenog osiguranja Kantona Sarajevo („Službene novine Kantona Sarajevo“ broj 4/00, 18/02, 30/08 i 1/12), člana 69. stav (2) tačka d), 70. stav (1), (4) i (6), Zakona o javnim nabavkama („Službeni glasnik BiH“ broj 39/14) i Zapisnika o pregledu i ocjeni ponuda broj 03-08-A.B.R.-25186-Z/16 od 25.10.2016. godine, direktor Zavoda je dana 26.10.2016. godine, donio sljedeću

ODLUKU

*o poništenju postupka javne nabavke putem otvorenog postupka
za nabavku „Čitača 2D bar koda za elektronske zdravstvene kartice“*

I

Poništava se postupak javne nabavke putem otvorenog postupka za nabavku za nabavku „Čitača 2D bar koda za elektronske zdravstvene kartice“ iz razloga što nijedna od primljenih ponuda nije prihvatljiva na osnovu člana 69. stav (2) tačka d) Zakona o javnim nabavkama.

II

Ova odluka će se objaviti na web-stranici Ugovornog organa www.kzzosa.ba istovremeno sa upućivanjem ponuđačima koji su učestvovali u postupku javne nabavke, shodno članu 70. stav (6) ZJN.

III

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, shodno članu 71. stav (2) ZJN.

OBRAZLOŽENJE

Postupak javne nabavke putem konkurentskog zahtjeva za nabavku kancelarijskog namještaja i slične opreme za potrebe Zavoda zdravstvenog osiguranja Kantona Sarajevo je pokrenut Rješenjem o pokretanju javne nabavke i o imenovanju komisije broj 03-08-A.B.R.-25186-RK/16 od 07.09.2016. godine sa procijenjenom vrijednosti nabavke bez PDV-a, u iznosu od 130.900,00 KM.

Obavještenje o nabavci broj: 814-1-1-24-3-12/16 objavljeno je na Portalu javnih nabavki dana 07.09.2016. godine

Komisija za javnu nabavku je dana 26.10.2016. godine dostavila izvještaj o radu tj. Zapisnik o pregledu i ocjeni ponuda broj 03-08-A.B.R.-25186-ZPO/16 sa preporukom za poništenje postupka.

Uvidom u priloženu dokumentaciju i suštinskom provjerom sadržaja i validnosti dokumentacije, Komisija je utvrdila da sve tri pristigle ponude ne ispunjavaju formalno pravne uslove odnosno ne zadovoljavaju zahtjeve Ugovornog organa.

Ponude ponuđača koji nisu kvalificirani:

- Špica Systems d.o.o.
- Info-kod d.o.o
- AHA Produkcija d.o.o.

Komisija za javnu nabavku konstatuje da ponude ponuđača INFO-KOD d.o.o., AHA PRODUKCIJA d.o.o. i ŠPICA SYSTEMS d.o.o. nisu prihvatljive za Ugovorni organ iz formalno pravnih i tehničkih uslova kako slijedi:

- Ponuđač INFO –KOD d.o.o. u svojoj ponudi nije dostavio garanciju na opremu od 3 (tri) godine kako je traženo u tenderskoj dokumentaciji u tački 11. Ostali uslovi za kvalifikaciju kao i prevod Opisa predmeta nabavke a što je traženo u tački 20. Jezik i pismo ponude.
- Ponuđač AHA PRODUKCIJA d.o.o. svoju ponudu nije uvezo na način kako je to definisano u tenderskoj dokumentaciji u tački 13. Način dostavljanja ponuda, nedostaje garancija na

opremu od 3 (tri) godine kako je traženo u tenderskoj dokumentaciji u tački 11. kao ni prevod Opisa predmeta nabavke a što je traženo u tački 20. jezik i pismo ponude, Ponuđač također nije ponudio odgodu plaćanja izraženu u danima (podkriterij), a za što nije bio ni obavezan.

Ponuđač ŠPICA SYSTEMS d.o.o. u svojoj ponudi u Aktuelnom izvodu iz sudskog registra od 23.06.2016. godine navodi da je jedno lice ovlašteno za zastupanje subjekta upisa u unutrašnjem i vanjskom prometu imenom i prezimenom direktor, dok u Obrascu za ponudu, Izjavama po osnovu članova 45. i 52. ZJN kao i Nacrtu ugovora potpisnik kao ovlaštena osoba je je drugo lice. Iz navedenog se ne može utvrditi ko je ovlaštena osoba za potpisivanje Ugovora kao i ostale dokumentacije iz ovog postupka. Komisija konstatuje da ne postoji validan dokument na osnovu kojeg bi se utvrdile navedene činjenice.

Uvidom u priloženu dokumentaciju i suštinskom provjerom sadržaja i validnosti dokumentacije, Komisija je utvrdila da ponude pomenutih ponuđača ne ispunjavaju tehničke uslove odnosno zahtjeve Ugovornog organa za predmetnu nabavku.

Shodno tome, Komisija za javnu nabavku je nakon ocjene ponuda konstatovala da nijedna od primljenih ponuda nije prihvatljiva za ovaj predmet nabavke te predložila da se predmet nabavke okonča poništenjem na osnovu člana 69. stav (2) tačka d) ZJN.

POUKA O PRAVNOM LIJEKU: Protiv ove odluke može se izjaviti žalba, najkasnije u roku od 10 (deset) dana od dana prijema ove odluke.

Pripremila:

Amila Borovac Ramezić
Šef službe za nabavke

Kontrolisali:

Hikmet Arnautović
Pomoćnik direktora za pravne poslove

Lejla Kahvo
Po Odluci o prenosu ovlaštenja br. 01-01-B.L.-
24688/16

DIREKTOR
Mr.sc.i.oec.prim.spec.dr. Samir Turković

Dostaviti:

- Ponuđačima
- a/a

Objaviti na:

- www.kzzosa.ba
- portal javnih nabavki